



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Science, Higher Education and Youth

Broj: 01-04-53531-7.1/24  
Sarajevo, 8.1.2025. godine

**SKUPŠTINA KANTONA SARAJEVO**  
n/r Elvedin Okerić, predsjedavajući

**PREDMET: Odgovor na zastupničku inicijativu zastupnice u Skupštini Kantona Sarajevo  
Sanele Klarić, dostavlja se**

**Veza Vaš akt broj: 01-04-53531/24 od 11.12.2024.godine**

Na 18. Radnoj sjednici Skupštine Kantona Sarajevo održanoj dana 11.12.2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), zastupnica u Skupštini Kantona Sarajevo Sanela Klarić, uputila je zastupničku inicijativu za pokretanje aktivnosti na planiranju otvaranja Muzeja nauke, inovacija i tehnologije:

„Svaka država u svijetu ima Muzej nauke, inovacija i tehnologije. Ti muzeji su najposjećeniji objekti ne samo od strane građana nego i posjetilaca i turista. Muzeji nauke, inovacija i tehnologije svedoče o svim dostignućima pojedinaca, naučnih institucija, industrije i drugih privrednih subjekata u jednoj državi. Jedan takav muzej je neophodan i za našu državu posebno jer smo u prošlosti imali vodeće stručnjake, inovacije i tehnologije na kojima nam mogu pozavidjeti i mnoge razvijenije države, a također i danas se naši naučnici, inovatori i kompanije takmiče i osvajaju prestižne nagrade na svjetskim takmičenjima. Važno je da pokrenemo aktivnosti jer je ovo dugotrajan proces i da se opredjelimo da nam je ovo jedan od ciljeva u budućnosti.

Sve naše uspjehe je važno pokazati kako našim mlađim generacijama i mladima tako i svim građanima, posjetiocima i turistima.“

Na pokrenutu zastupničku inicijativu dajemo sljedeće

### ***IZJASNJENJE:***

Ministarstvo za nauku, visoko obrazovanje i mlade Kantona Sarajevo smatra da je inicijativa za pokretanje aktivnosti na planiranju otvaranja Muzeja nauke, inovacija i tehnologije, upućena od strane uvažene zastupnice Sanele Klarić, izuzetno interesantna, aktuelna i korisna. Ministarstvo za



nauku, visoko obrazovanje i mlade cijeni i podržava upućenu inicijativu te će u skladu sa svojim nadležnostima započeti sa aktivnostima na realizaciji iste.

Za realizaciju upućene inicijative uvažene zastupnice Sanele Klarić neophodan je multidisciplinarni i multisektorski pristup te je stav Ministarstva za nauku, visoko obrazovanje i mlade Kantona Sarajevo da bi u realizaciju iste trebalo uključiti Ministarstvo privrede Kantona Sarajevo i Ministarstvo kulture i sporta Kantona Sarajevo.

Otvaranje Muzeja nauke, inovacija i tehnologije, u svijetlu bogate industrijske i privredne prošlosti Bosne i Hercegovine kroz razvoj željezničkog i tramvajskog saobraćaja, razvoja rudarstva, šumarstva, hidro i termo elektrana kao i s ciljem prezentacije iste kao dio našeg kulturnog naslijeđa, će značajno doprinijeti unapređenju i razvoju nauke, obrazovanja i načina učenja, inovacija i tehnologija.

U okviru svojih nadležnosti Ministarstvo za nauku, visoko obrazovanje i mlade Kantona Sarajevo prepoznalo je i potrebu za stvaranjem zakonskog okvira za unapređenje naučnih, istraživačkih i inovatorskih aktivnosti kroz donošenje Zakona o inovacionoj djelatnosti u Kantonu Sarajevo.



**MINISTRICA**

**Prof. dr. Adna Mesihović**

Dostaviti:

- Naslovu
- Zastupnici Saneli Klarić
- Stručna služba Vlade KS
- a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

2/2